

成化十二年十二月二十一日禮部等衙門尚書等官

筆

題爲建言民情事

計開

一查隸池州府貴池縣儒學訓導陳離言事一件民
害事臣等切見江西地方小民多被勢要土豪大戶
占種田地侵奪墳山謀騙產業毆傷人命狀投老
畏懼富豪受私偏刑及告到縣平日富豪人情穩
熟反將小民監禁少則半年多則三年之上賄屬官吏
止憑里老地隣保結妄行偏斷小民屈抑又迓司府
伸訴又行吊查原案本縣妄稱問結一槩朦朧申
覆屈抑不伸反赴御史處伸冤御史又行查審經
司府州縣里老剖判過者俱不行往狀以致小民卒至

含冤受苦欲行赴京奏訴水遠山遙寸力寡弱民
之受苦莫是之甚且如臣本縣軍人舒林被富豪民
陳思誠包占田地告理二十餘年已經知縣六人斷過
反作舒林涉虛後得分巡副使張綱體察得出方
斷田地還舒林管業又有民人朱定謀死庶祖母里
老官吏接受銀兩問無干涉又被女婿陳瑾赴京
回奏看是三司研審是實未定處死原問官吏俱
招罪犯臣誠天下亦有此弊如蒙乞

勅該部轉行各處今後小民詞訟難憑里老地隣着落該管
知縣務須拘問審實方許問結如是本管知
縣仍行受財枉斷許赴巡按御史訴告詳加論
審得實將扶同里老原問官吏以枉法如
此則民得安生怨咨不作歡聲動天風雨

調和而天下平矣

前件刑部所言里老扶同合行禁約